

BODO (CODE: 092)
Class-X
(Session 2023-2024)
Sample Question Paper

Time: 3 Hours

Total Marks: 80

Part-A:
Objective Type MCQ Paper

सॉथि नं. (1) गाहायाव होनाय सॉलुफोरनि गेबें फिनखौ सायख'ना लिर :

5X1=5

i. गाहायनि बबे मोनसेया जो आथोन फोरमायग्रा दाजाबदा नडा?

- (A) -इ
- (B) -ए
- (C) -आ
- (D) -उ

ii. 'मावनाय' आ गाहायनि बबेजों सोमोन्दो गोनां-

- (A) थाइजाजों
- (B) हाबा दिन्थिग्रा मुंमाजों
- (C) मुवा दिन्थिग्रा मुंमाजों
- (D) गुन दिन्थिग्रा मुंमाजों

iii. दा जाफु बिदिन्था फोरमायनो मा उन दाजाबदा दाजाबनाय जायो?

- (A) -आ
- (B) -खौ
- (C) -दों
- (D) -दोंमोन

iv. {-नोसै} उन दाजाबदाया गाहायनि बबे बिदिन्थाखौ फोरमायो?

- (A) गोजान इयुन बिदिन्था
- (B) खाथि इयुन बिदिन्था
- (C) दा जाखां बिदिन्था
- (D) सिगां जाखां बिदिन्था

v. गाहायनि बबे मोनसेया जथाइ सोदोबनि बिदिन्थि नडा?

- (A) लाइजौ
- (B) हासिब
- (C) अनथाइ
- (D) दाउदै

- i. 'बिबार खानाय' खन्थाइयाव खन्थाइगिरिया बिबार खानायजौ मा फोरमायनो नाजादौ?
- (A) सोलौथाइ लानाय
(B) बिबार खन्थुमनाय
(C) बिबार सिरिनाय
(D) बिबार गायनाय
- ii. 'बिबार खानाय' खन्थाइयाव 'आगै दैसारी, लाइसारी मनसारी' मोना मानि नेरसोन?
- (A) बर' सिख्लाफोरनि
(B) बर' सेंग्राफोरनि
(C) गुबुन हारिनि सिख्लाफोरनि
(D) रौखा राखा मानसिफोरनि
- iii. 'आंनि गामि' खन्थाइयाव खन्थाइगिरिनि 'आंनि गामि'आ मामोन?
- (A) नांगोल भाडा
(B) भबानिपुरि
(C) धावलिगुरि
(D) बरागारि
- iv. 'आंनि गामि' खन्थाइयाव खन्थाइगिरिया बबे समाव गाथोनाव जिरायदौमोन?
- (A) मोनाबिलि सामाव
(B) बेलासि समाव
(C) फुडाव
(D) हराव
- v. 'जिउनि अलंबार' खन्थाइनि गुबै सानसिया मा?
- (A) मिथिंगा मोजां मोननाय
(B) रहस्य सानथौ एबा गसाइ सिबिनाय
(C) हारि सिबिनाय
(D) हादर मोजां मोननाय
- vi. 'गेवसांनाय महर' खन्थाइनि खन्थाइगिरिया सोर?
- (A) कमल कुमार ब्रह्म
(B) ध्वजेन्द्र कुमार ब्रह्म
(C) धरनीधर औवारी
(D) सुरथ नार्जारी
- vii. 'गेवसांनाय महर' खन्थाइयाव खन्थाइगिरिया सोरखौ थगायसुला नडा होनना बुंदौ?
- (A) गावखौ
(B) मालायखौ
(C) गुबुन हारिनि मानसिफोरखौ
(D) गोजौनि गासैबो गेबें
- viii. 'रादाय' खन्थाइया मा बाहागोनि खन्थाइ?

- (A) सनेट
 (B) बेलाड
 (C) हाडकु
 (D) इलिजि
- ix. 'बै मिनथिस हायि मिथिंगायाव
 आरो सानसहायि अनजिमायाव
 सोरजिगिरिनि बै सानरोम जारेडाव
 गो-आखुनि रादाय दं फैसालियाव।' 'रादाय' खन्थाइनि बे खन्थाइ खोन्दोआव नुजानाय 'गो-आखु' नि ओंथिया जादों-
 (A) गाज्जि आखु
 (B) थार एबा सैथो आखु
 (C) सोद्रोम आखु
 (D) गोदान आखु
- x. 'हाग्रामायाव अर' खन्थाइयाव 'बिसोर' होननानै खन्थाइगिरिया सोरखौं बुंदों?
 (A) थागिबि सुबुं
 (B) गुबुन हादरारि सुबुं
 (C) लाउखार
 (D) गोजौनि मोनसेबो नडा

सौंथि नं (3) गाहायाव होनाय सॉलुफोरनि गेबें फिनखौं सायख'ना लिर :

10X1=10

- i. कालिचरण ब्रह्मवा बांला बेसेबां मायथाइयाव जोनोम जादोंमोन?
 (A) बांला 1266 मायथाइनि बैसाग दाननि 5 अक्त'
 (B) बांला 1267 मायथाइनि बैसाग दाननि 5 अक्त'
 (C) बांला 1268 मायथाइनि बैसाग दाननि 5 अक्त'
 (D) बांला 1269 मायथाइनि बैसाग दाननि 5 अक्त'.
- ii. कालिचरण ब्रह्मनि फिसाजो सानैनि मुडा मा मा?
 (A) खनसि आरो बिलाइसि
 (B) खनसि आरो हिरनी
 (C) सानसि आरो बिलाइसि
 (D) खनाइसि आरो हिरनी
- iii. 'गोसो जानाय' रायथाइनि रायथाइगिरिया सोर?
 (A) महिनी महन ब्रह्म
 (B) रणेन्द्र नारायण बसुमतारी
 (C) डा⁰ लीलाधर ब्रह्म
 (D) हेरेम्ब नार्जारी
- iv. जोमैसिनो बिफाया मा अनथोब होदोंमोन?
 (A) कम्पिउटार

- (B) लेपटप
- (C) मबाइल
- (D) बिजाब

v. खुगा थुनलाइखौ गाहाइयै मोननै बाहागोआव राननाय जादौ । मोनसेया खुगा मेथाइब्ला गुबुन मोनसेया मा?

- (A) सुबुं मोसानाय
- (B) खुगा राव
- (C) सुबुं आरिमु
- (D) गथ' बुरखायनाय मेथाइ

vi. 'खोनाफेरै सल' बिजाबखौ सोर लिरदौमोन?

- (A) मदाराम ब्रह्म
- (B) बिरेन दास बर'
- (C) सुकुमार बसुमतारी
- (D) महिनी म'हन ब्रह्म

vii. 'हारिमानि खौसेथि' रायथाइयाव रायथाइगिरिया भारत हादरनि देरसिन गोहोआ मा होनना बुंदौ?

- (A) राव आरो धोरोम
- (B) हारि आरो धोरोम
- (C) गोरोबनाय आरो खौसे जानाय
- (D) धोरोम बासिलायनाय

viii. बिथराय आरो रोदोमा बबेयाव हाग्रा दावबायनो थांदौमोन?

- (A) काजिरडा
- (B) मानास
- (C) पबितरा
- (D) सिबसागर

ix 'अरुनिमा सिन्हा' आ मानि थाखाय मुंदांखा?

- (A) हाजो गाखोनाय
- (B) मोसानाय
- (C) फुटबल गेलेनाय
- (D) हकि गेलेनाय

x. 'मनथ्रि फैगोन' सुंद' सल'नि लिरगिरिया सोर?

- (A) नीलकमल ब्रह्म
- (B) जनिल कुमार ब्रह्म
- (C) गबिन्द बसुमतारि
- (D) नन्देस्वर दैमारी

Part-B:
Descriptive Type Pen Paper Test

सौथि नं (4) गाहायाव होनाय सॉलुफोरनि सुंथाबै फिन लिर (20-25 सोदोबनि गेजेराव) : 5X2=10

- i. कालीचरण ब्रह्मवा सोरनिफ्राय आरो माब्ला ब्रह्म धोरोमखौ नाजावदोंमोन?
- ii. बर'फोरनि धोरोमजों सोमोन्दो गोनां मोननै मोसानायफोरनि मुं लिर ।
- iii. शंहति परिषदनि थांखिया मा?
- iv. 'जिउनि अलंबार' खन्थाइयाव खन्थाइगिरिया मा सिमान लादोंमोन?
- v. 'सनेट' खन्थाइयाव मोनबेसे बाहागो थायो आरो बेफोर मा मा?

सौथि नं (5) गाहायाव होनाय सौथिफोरनि फिन लिर : 7X5=35

- i. 'बैसागी आगर' खन्थाइनि गुबै सानसिखौ लिर।
- ii. 'मनथ्रि फैगोन' सुंद' सल'वाव मन्थ्रिनि मा खोथा बेरखांदों सावराय।
- iii. टिवाफोरनि रंजाथाइ फोरबोफोरनि सोमोन्दै लिर।
- iv. देउरिफोरनि दोरोडारि गाननाय जोमनायफोरनि सोमोन्दै लिर ।
- v. इयुन बिदिन्था माखौ बुडों? बर' रावनि इयुन बिदिन्थानि बाहागोफोरनि सोमोन्दै सावराय।
- vi. नोंसोरनि फरायसालियाव जानो गोनां फरायसालि सप्ताहनि हारिमुवारि बादायलायनायफोरनि सोमोन्दै बयनोबो मिथिहोनो सासे हारिमु नेहाथारि जानानै गांसे मिथिसार बिलाइ लिर।
- vii. नोंसोर दावबायहैनाय जायखिजाया दाबसे जायगानि सोमोन्दै रोखायै फोरमायनानै लिर।

सौथि नं (6)

गाहायाव होनाय फराखोन्दोखौ मोजाडै फराय आरो बे फरानि गुबै बाथाखौ गावनि रावजों लिरफिन: 5

"हारिमु" सोदोबा जोबोद गोथौ गुवार ओंथि गोनां। बर'वा बे सोदोबखौ जोबोद गोफार मेलेमजों सोरजिदों। "मु" सोदोबा जाबाय गोलाव गुवार गोजौ जिरादखौ सुनाय ज'खा। आरो बे ज'खाखौ बर'वा आखाइ मुथिजों सुयोमोनखाय जानो हागौ बि ज'खानि मुडा "मु"। बिदिब्ला हारिया बेसे गोजौआव दं बेखौ मिथि होनो हानाय मोनथायानो जाबाय हारिमु। मोनफा हारिनि हारिमुवानो मोनफा हारिनि सान्नाय, बुंनाय, मावनाय, फोरमायनाय गासैखौबो आयना बादि नुजाखां होजोबो। जेरै बिफां फांसेया जौलांनांगौब्ला बिहा बिलाइ गोनां दालाइ ओंखारलांबाय थाथार गोन आरो जौहोलां गोजाम दालाइया रान्नानै गुगा होलांबाय थागोन। गुगानायनि दागो एबा आंखिया रान्नानै गुगा होलांबाय थागोन। गुगानायनि दागो एबा आंखिया थालांनानै बिफानि राफोद बैसोखौ दिन्थियो, हारिमुवाबो बेबादिनो। मोनफा हाबायाव मोन्नाय, मिथिगानि बार-हावा, हाजो-दैमु, बिफां-लाइफां, जीब-जुनार, हा-हु-गासैबो सम्पदफोरजों जीउ खालांनायाव मावनाय दांनाय, सान्नाय बुंनायनि गेजेरजों जि सोरजिथाय जायो, बेखौनो हारिमु बुंनाय जायो। मुगानि उनाव मुगा बेबादिनो समनि फाखनाव मानसिनि मावनाय दांनाय, सान्नाय, फोरमायनाय आयदा-बायदा सुबिधा आरो राहाफोरा बांलांनाय लोगो लोगो गोदान सोरजिथाय जाबोनो हमदों आरो बेबादिनो हारिमुनि महरा सोलाय लांगासिनो दड। नाथाय बैसो राफोद बिफाडाव बैसो सोलायनाय नेसॉन आंखिफोरा थालांनाय बादि आथिखालनि हारिमुवाव सोरजि गोजामफोरनि आखोबा थायो। बिखौनो

बुंनाय जायो Traditional Culture। बे Traditional Culture खौ एंगारनानै जौं गावनि सिनायथिखौं होनो हाया। मानोना गोजाम हरिमुवाव गोजाम मुगानि सुबुंफोरनि सान्नाय बुंनाय मावनाय दांनाया बेसे गोजौं फाबुवाव मानो बेयो रोखायै बेरखांना थायो। बे आंखि खाखानाय फाबुवा हरिखौं सिनायथि होनाय लोगोसे इयुननि गोदान फाबुफोर ओंखार लांनानै गोजौंनिक्राय गोजौंसिन जालांनो खाबु आरो थुलुंगा होयो। अब्ला जाय हरिनि सान्नाय बुंनाय, मवनाय-दांनाया गोजौं थाखोनि, बि हरिनि हरिमुवा गोजौं समायना जाखागोन। नाथाय बेखौं मिथि नांगौब्ला जौं हरिमुनि मोनफा मोनफा आयदाखौं लानानै बिजिरना नाइनांगोन, बेहाय जिनिर दंब्ला हुख'नांगोन आरो दुलाराय सुबुंनो बिनि असे ओंथि आरो महरखौं दिन्थिनांगोन। मानोना बिजिरनाय गियाननि आंखालाव माब्लाबा जौं गाहाम ओंथि गोनां हुदाखौंबो नेवसिफ्लाडो आरो आनदायनानै गुबुननि सायाव मानलाबायफ्लाडो। अब्लानो मुगै जानाय सफैयो।

सौंथि नं (7)

गाहायाव होनाय फराखोन्दोखौं मोजाडै फराय आरो बे फरानि गुबै बाथाखौं गावनि रावजौं लिरफिन:

5

पारसी खन्थाय एबा सल'न्थायखौं मोनब्रै महराव लिरनाय जायो- काच्चिदा, गजल, मथनबी आरो रुबाइ। आरज सल'न्थायखौं काच्चिदा महरै, गोसो थोनायनि मेथायखौं गजल महरै, गोलाव सल'न्थायफोरखौं मथनबी महरै आरो गुसुडै बान गोनां सानसि फोरमायनो रुबाइ खबाम बाहायनाय जायो। फार्दौसीनि समब्रा-समब्रि खन्थायगिरि आबु सायेदा सुफी सानथौखौं खन्थाय महरै फोसावनो जेब्ला गरन्थ लायो अब्ला बिथाडा रुबाइ खबामखौंनो गावनि सल'न्थायनि थाखाय आरजाथावसिन सान्नानै बे खबामखौं बाहायो। नाथाय बिथाडा बे खबामखौं एसे सोलाय-सल' खालामनानै आरो फोसावनानै लायो। गाइखेरा जेरै माखन जायो बेबादिनो थुनलाइनि बिदै एबा मेहेरा रुबाइ महराव खहाब गोनांसिन जायो। अमर खैयामबादि आखा-फाखा आखायाव गोग्लैना बेनि गोहोआ आरो बांसिन जाबावो। बेनि सोदोब फंफ्रामबो फरायगिरिनि खोमाजौं हाबनानै गोसो खंख'राव हाबहैयो। खृष्टनि उन जिसे जौथायनि गेजेर बाहागोआव निशापुराव अमरा जोनोम जायो। बिथानि बिफाया सासे 'खैयाम' एबा सायना (तम्बु) बानायग्रामोन। बेनिखायनो बिथाडा अमर-बिन खैयाम (खैयामनि फिसाज्ला अमर) मुडै मोनथि जायो। बिथाडा सासे पण्डितमोन- सानखान्थि आरो जौलारी शास्त्रवाव बिथानि रूजु जाथाव पण्डित बे समाव रावबो गैयामोन। नाथाय गोमोथाव बाथाया बेनोदि सानखान्थिबादि सानथाव बिज्ञाननि चर्सा खालामदौब्लाबो बिथानि खन्थायगिरि गोसोआ साबा जालाडाखै।